

1412154

PLEASE DO NOT REMOVE
CARDS OR SLIPS FROM THIS PO

UNIVERSITY OF TORONTO LIBR

DS Yao, P'ei-ch'ien
735 T'ung chien lan yao
A2Y36
1761
v.19-20

East Asia

明史

卷四

起景帝景泰元年

卷五


至孝宗弘治元年

卷六

盡穆宗隆慶六年

通鑑
臨手要





明史學要卷四

張景星二銘

雲間

同錄

姚培謙平山

同學盛步青凌烟參閱

恭仁康定景皇帝

諱祁鈺宣宗次子英宗弟在位七年

庚午景泰元年春正月始令輸納者給冠帶

戶部議令軍民輸納者給冠帶官吏罪廢者輸草於邊得復職帝用給事中翟

DS

735

A2436

1761

V.19-20

敬議祇給冠帶其後監生郭佑上言農
工商賈不較賢愚惟財是授驕親戚誘
鄉里長非分之邪心賊污吏罷退爲民
欲掩閭黨之耻納粟納草冠帶還鄉前
以貪貨去職今以輸貨得官何以禁貪
殘重名爵況天下一統藏富在民未至
大不得已而舉措如此是適以空
乏啓戎心也章下廷議格不行

夏六月吏部尚書王直請迎上皇

北虜使來議和禮部會奏虜使迎復當
從帝召羣臣諭曰朝廷因通和壞事欲
與虜絕而卿等累以爲言何也直首對
謂上皇在虜理宜迎復勿使有他日之

悔帝不憚曰當時大位是卿等要朕爲之非出朕心于謙曰大位已定孰敢有議伯欲發使盡禮紓邊患耳帝意始釋曰從汝從汝言已卽退羣臣出太監興安傳旨呼言爾等固欲答使且言孰可行者孰爲文天祥富弼其人耶衆未答直而發赤厲聲曰羣臣皆朝廷人一惟朝廷用孰敢有不行者言之至再興安語塞旣而陞李實爲禮部左侍郎羅綺爲大理右少卿充正副使以行敕書惟言報禮不及迎復實驚訝詣內閣白之遇興安被誦曰汝奉黃紙幹事他何與焉實等遂偕虜使北行七月實等至也先營見上皇上皇謂實等曰當時朕非

以遊敗而出乃爲生靈計不意被畱皆
下振輩所致也及也先實意送朕回又
被喜寧屢次阻住因問聖母今上及舊
臣數人泣然淚下也先宰馬置酒以宴
實等因言敕書內只說講和不會說接
駕大明皇帝畱在這裡是一箇閒人我
還你們千載之後只圖箇好名兒你回
去務要差太監及大臣來迎我便差人
送去實等
辭上皇歸

秋八月上皇至自瓦剌入居南宮

時虜主脫脫不花普化可汗亦遣使來
議和朝廷復遣右都御史楊善侍郎趙

榮使虜報命善等至虜營也先甚喜許
送上皇還京復問曰皇帝回去還做否
答曰天位已定再難更改也也先設宴
餞行上皇駕起也先率衆頭目羅拜而
別伯顏率兵護送上皇已入塞朝廷猶
以虜情多詐爲疑禮部連日會奏議奉
迎禮未定千戶冀遂榮與翰林學士高
穀言今日奉迎禮當從厚主上當避位
懇辭而後受命乃可不然恐干載史書
難洗穀袖其書入朝以示廷臣曰武夫
尚知此禮况儒臣乎上皇至唐家嶺遣
使回京詔諭避位百官迎於安定門上
皇自東安門入帝迎拜上皇答拜相抱
而哭各述授受之意推讓良久乃送上

皇至

南宮

冬十一月禮部尚書胡濙請令百官賀上

皇生日不許

未幾濙又請明年正旦百官朝上皇於延安門亦不許

辛未二年冬十二月立團營

于謙以營政久弛兵將不相習請選三營軍十萬分五營團操名曰五團營其法五十人為隊隊有長百人兩隊有領隊官千人有把總三千五百人有都指

揮體統相維兵將相識量敵多寡以爲
調發謙又請益兵五萬增爲十團營仍
各統以武臣內臣而聽謙及石亨內臣
劉永成曹吉祥節制以選餘軍歸本營
訓練名曰老營備居守京軍之制一變
謙號令明審目視指屈口奏悉合機宜
亨等雖大帥進退賞罰
一由謙亨等受成而已

也先弑其主脫脫不花

脫脫不花妻也先姊也也先欲立其姊
子爲太子脫脫不花不從也先遂殺脫
脫不花收其妻子來獻捷于謙言也先
雖悔過摠誠遣使入貢而罪大惡極終

不可容今其君臣自相仇殺是天授我復仇之機臣請統團操軍馬分往宣府大同討賊

帝不從

壬申三年夏五月帝廢故皇太子見深爲沂王立子見濟爲皇太子

初帝卽位欲易儲而難於發太監王誠舒良爲帝謀先賜陳循高穀百金江淵王一寧蕭鑑商輅半之以緘其口然猶未發也會廣西土官黃珙以私怨戕其弟思明知府瑯滅其家珙懼罪遣使走京師上疏請帝密定大計易建東宮以

一中外之心帝下廷臣會議相顧莫敢
言司禮太監興安厲聲曰此事不可已
卽以爲不可勿署名無持兩端羣臣皆
唯唯署議奏上報可卽日簡置東宮官
廢故太子爲沂王而立見濟

癸酉四年夏四月始令生員納粟爲國子生

開封敎授黃鑾上言納粟拜官衰世有
之然未聞納粟貢士者也今以浮薄不
教之子納粟進身不數年寄以民社是
猶驅虎狼以牧羣羊欲其不恣啖噬得
乎章下戶部議不從尋以胡濙言罷之
時戶部以邊儲不足請令罷退官非賊

罪者輸米二十石給誥敕都給事中劉
燦言考選之官多有罷軟酷虐荒溺酒
色廉耻不立者非止贓罪已也賜之誥
敕以何爲辭若但褒其納粟則是朝廷
誥敕止直米二十石何以示天下後世
此由戶部尚書金濂不識大體有此謬
舉帝爲
立已之

冬十月以徐有貞爲僉都御史治沙灣河

時河決沙灣已七年前後治者皆無功
廷議推有貞乃擢左僉都御史治之有
貞至張秋相度水勢條上三策一置水
門一開支河一濬運河議旣定乃治渠

起張秋金隄引而西凡數百里經澶淵以接河沁內倚古金隄以爲固外恃梁山泊以爲泄河流之旁出者築九堰障之閱五百五十日而工成賜渠名廣濟自是河水北出濟漕阿鄆曹濮間田出沮洳者百數十萬頃乃濬漕渠由沙灣北至臨清南抵濟寧復建八閘於東昌以平水道山東河患少息

十一月皇太子見濟卒

甲戌五年冬十月也先爲阿剌所殺

也先旣弑脫脫不花自立爲田盛可汗阿剌求爲太師不許且殺其二子阿剌

怒率眾攻也先殺之未幾韃靼部孛來復殺阿剌奪也先妻并其玉璽求脫脫不花子麻兒立之號小王子自是孛來與其屬毛里孩等皆雄視部中韃靼勢熾復

己亥六年秋八月謫大理寺少卿廖莊為驛

丞杖殺御史鍾同銅禮部郎中章綸於獄

見濟陽趙同請復立沂王為太子帝不釋越數日綸亦疏言上皇君臨天下十有四年天下之父也陛下親受冊封上皇之臣也請於朔望令節一詣南宮率

羣臣朝見延安門以展友于之情又言
宜復舊皇儲於東宮定天下大本帝震
怒執綸同竝下詔獄至是莊復以言沂
王事廷杖降謫左右言事由同倡帝乃
封巨梃就獄中杖殺之綸長繫英宗復
辟後始釋綸以爲禮部侍郎莊亦復官
預七年夏五月以宋儒周敦頤程頤朱熹
後裔世襲五經博士秋七月以工人蒯祥
陸祥爲工部侍郎

蒯祥木工陸祥石
工時稱爲匠官

冬十二月帝有疾

英宗睿皇帝復位

改元天順

丁丑天順元年春正月武清侯石亨右都御

史徐有貞等以兵迎上皇於南宮遂復位

以有貞入內閣預機務下少保兵部尚書

于謙於獄

初帝不豫廷臣請立太子不報至是將南郊帝輿疾宿齋宮召亨令攝祀事亨見帝病甚退與都督張軫張軫左都御史楊善太監曹吉祥謀立太子不如復

上皇可邀功賞。軌吉祥然之。以告太常卿許彬。彬曰：「此不世功也。彬老矣，無能爲也。」蓋圖之徐元玉。亨卽夜至，有貞家有貞大喜，曰：「須令南城知此意。」軌曰：「已陰達之矣。」辛巳夜，諸人復會有貞所。有貞升屋步乾象。亟下曰：「時至矣，不可失。」時方有邊警，有貞令軌以備非常爲名。納兵長安門外。亨掌門鑰，夜四鼓啓門。綱之遂薄南宮城，毀垣壞門入。見上皇於燭下。上皇問故，衆俯伏請登位。乃呼進，舉兵士。遑遑不能舉，有貞等助挽以行。上皇顧問諸人姓名，至東華門門者拒弗納。上皇曰：「朕太上皇帝也。」遂入，至奉天門墜座。時百官以帝將視朝，咸待。

漏闕下忽聞南城呼譟震地咸失色須
臾鳴鐘鼓有貞出號於衆曰太上皇帝
復位矣趣入賀百官震駭入謁上皇曰
卿等以景泰皇帝有疾迎朕復位其各
任事如故羣臣呼萬歲遂命有貞以右
都御史兼學士入內閣預機務命陳循
與有貞草詔諭羣臣曰中御奉天殿卽
位謙甫聽宣諭畢卽班內執之與大學
士王文太監王誠舒良張永
王勤同下獄。元玉有貞字

以薛瑄爲禮部侍郎入內閣預機務

瑄在閣數月見石亨等用事嘆曰君子見機而作寧俟終日遂致仕去

殺于謙主文籍其家戍陳循江淵等於鐵嶺衛斥蕭鎡商輅等爲民

初帝自瓦剌還廷臣議奉迎禮文厲聲曰公等謂上皇果還耶也先不索金帛土地而遽送駕來耶衆素畏文不決而罷及易儲議起文率先承命至是蕭維禎等定讞坐謙文謀逆處極刑文力辨謙笑曰石亨輩意如此辨何益奏上帝猶豫良久曰謙曾有功有貞曰不殺謙此舉爲無名乃磔謙等家屬戍邊榜其罪示天下自也先之變謙誓不與俱生常留宿直廬不還私第景帝聞其服用

過薄詔上方製賜及籍沒家無餘貲獨
正室鑄鑰甚固啓視皆賜物也死之日
陰靈四翳
天下冤之

二月廢景泰帝仍爲郕王遷之西內

十九日土薨葬祭
如親王諡曰戾

三月直隸山東饑

遣侍郎周瑄黃仕儁僉都御史林聰賑
之聰屢請發帑帝召徐有貞李賢議有
貞曰發帑賑濟徒爲里胥乾沒耳
賢曰有幣勝於無賑帝卒從賢議

夏四月復立沂王見深爲太子。追復王

振官立祠祀之

帝憫念振曰振爲虜所殺朕親見之追責言者過實皆貶竄詔復振原官刻木爲振形招魂以葬塑像於智化寺北祠之敕賜祠額曰旌忠

五月貶徐有貞李賢秋七月竄有貞金齒

有貞爲曹吉祥右亨所引用旣得志則思自異窺帝意厭二人乃稍稍裁抑之亨吉祥不能平數毀有貞帝方寵有貞嘗屏人與語亨吉祥令小監竊聽故洩

之於帝帝驚問輒對曰受之有貞帝由是疑有貞漏洩未幾御史張鵬等欲糾亨他罪未上給事中王鉉以告亨亨與吉祥泣訴於帝謂內閣實主之遂下諸御史獄并逮繫有貞及賢降有貞廣東參政賢福建參政既行有以匿名書毀斥朝政者亨吉祥奏此有貞怨望所爲命追執之下錦衣衛獄拷掠無所得亨吉祥恐其復用誣以謀逆當棄市詔徙金齒爲民亨敗乃赦還

六月以翰林院脩撰岳正入內閣預機務
秋七月復以李賢入內閣

謫岳正爲欽州同知尋下獄杖戍肅州

賢旣貶未行王翱奏賢可大用遂復命爲吏部尚書兼翰林學士入閣賢深自匿非宣召不入而帝益親賢帝一日與賢言及迎駕奪門之功賢曰迎駕則可奪門二字豈可示後况景泰不諱陛下宜復位天命人心無有不順何必奪門且幸而成功萬一機事先露不審置陛下何地帝悟詔自今章奏勿用奪門字

正負氣敢言旣入閣益感激思自効會曹吉祥得匿名書帝令撰榜格購之正與呂原入見曰爲政有體盜賊責兵部奸宄責刑司豈有天子自由榜購募者

且事緩之則自露急之則愈隱帝是其
言遂不究特旨祥亨恣甚正請帝裁抑
帝曰卿可以朕意告二人正因勸吉祥
辭兵禍二人詣帝前泣請帝內媿慰諭
之而責正漏言正對曰臣觀二家必以
謀叛滅臣欲全上恩故令早白爲計耳
二人聞益怒承天門災帝命正草罪已
詔因歷數弊政無所避亨吉祥遂構蜚
語激帝怒謫欽州同知既行以母老畱
家月餘復爲陳汝言所劾逮繫詔獄杖
戍肅州憲宗嗣位
始召還復修撰

冬十一月陳汝言有罪下獄死籍其家

汝言附曹石由郎中驟進尚書陰險貪
墨得賄無筭事覺下獄籍其家贓數十
百萬帝召大臣入視曰于謙終始景泰
朝死無餘貲汝言官未久何多耶石亨
等俛首流汗不能對初謙等之死太后
爲帝備言謙匡濟多難之功迎立外藩
之誣帝始疑之每詰亨張軌曹吉祥等
迎立外藩之故對曰臣亦不知乃徐有
貞向臣言耳於是帝深銜亨輩待時而
發有貞故有金齒之行亨輩卒俱不免

戊寅
二年春正月釋建庶人文圭

文圭建文帝少子也成祖幽之中都號
爲建庶人帝憐其無罪久繫釋之卽鳳

陽賜室宇奴婢月給薪米聽婚娶出入
文圭繫時方二歲至是已五十七出見
牛馬亦不識未幾卒懿文
太子及建文君皆無後

夏五月李賢請罷錦衣官校刺事不許

帝召賢言政治得失賢因極言錦衣官
校差出抄提罪人勢如狼虎所至貪求
無厭有司不勝其擾帝曰今後非大故
重事不差旣而有譖賢妄言者帝因疎
賢復密察之其實尤有甚於賢所
言者遂召其指揮戒之待賢如初

己卯三年春二月石彪有罪伏誅

彪亨從子魁梧驍勇景泰中祖立邊功遷都督爲大同遊擊天順初以亨故累進封定遠侯性凶暴貪狡包藏禍心謀鎮大同邀人奏保朝廷覺其有異遣人廉察之果皆虛詐言官交章劾之遂逮繫詔獄論死

冬十月石亨謀不軌伏誅

亨一日朝退歸私第謂其黨羅旺彥敬杜清曰吾所居官亦皆爾等所欲爲者衆不知所謂皆對曰某等以公之靈得至是過望矣三公之位何敢冀也亨曰趙太祖陳橋之變史不稱其篡爾能助吾吾官非爾官乎衆股慄莫敢對亨貪

恣日甚勢焰燠灼時亨門下有瞽目指
揮童先手出妖書曰惟有石人不動謂
天意有在勸亨舉事亨信之而彪事發
罪連於亨家人傳說怨謗遂露其不軌
之謀於是下亨獄卒
死獄中其黨皆坐死

辛巳年秋七月曹吉祥反伏誅

石亨死吉祥不自安漸起異圖欲謀令
從子欽擁兵入宮幽帝於南宮而立皇
太子吉祥自爲內應夜二鼓宮中聞變
四鼓欽黨縱火焚東西皇城門比曉王
師始集詔會昌侯孫繼宗恭順侯吳瑾
與懷寧伯孫鏗分道逆擊大戰於東華

門外自辰至午皆擒獲之瑾爲欽所殺是晚帝出御午門下吉祥等於獄皆伏誅籍欽等家以賞將士

壬午六年春三月太學廟像皆易木主

從知蘇州府林鶚請也

甲申八年春正月帝崩遺詔罷宮嬪殉葬

初太祖崩宮人多從死者歷成祖仁宣二宗皆用殉多者至數十人景帝以郕王薨猶用其制至是帝遺詔罷之

二月太子見深卽位三月放宮人

時日黯無光李賢上言日者君象君德明則日光盛惟陛下敬以修身正以御下剛以斷事明以察微則天變自弭又言天時未和由陰氣太盛自宣德至天順間選宮人太多浣衣局沒官婦女愁怨尤甚皆宜放還帝從之中外大悅

夏六月致仕禮部侍郎薛瑄卒

瑄學以復性爲主嘗言自考亭以還斯道大明無煩著作直須躬行耳有讀書

錄二十卷

卒諡文靖

憲宗純皇帝

諱見深英宗長子在位二十三年

乙酉成化元年春正月詔追復少保兵部尚

書于謙秩

釋謙子冕還家明年八月復冕官遣行人往祭謙墓

丙戌二年冬十二月少保華蓋殿大學士李

賢卒

賢每遇災變必與同官極陳無隱常言內帑餘財不以卹荒濟軍則人主必生

修心而用之於土木禱祠聲色以故頻
請賑貸恤邊所薦引年富軒輊耿九疇
王竑李秉程信姚夔等
皆爲名臣卒諡文達

弘治三年冬十一月杖謫翰林院編修章懋
黃仲昭檢討莊景

以明年上元張燈命詞臣撰詩詞進奉
懋仲昭景同疏言今川廣未靖遼左多
虞三楚豫章赤地千里正陛下宵旰焦
勞之日不宜更耽宴樂至翰林以論思
爲職宣宗皇帝御制翰林箴曰啓沃之
言惟義與仁堯舜之道鄒魯以陳張燈

豈堯舜之道詩詞非仁義之言乞停止
移此視聽以明目達聰省此資財以賑
饑恤困則災祲可消太平可致帝以元
夕張燈祖宗故事責懋等妄言杖之謫
懋仲昭知縣景通判初修撰羅綸糾李
賢父喪起服忤旨被黜時以懋等與綸
同稱翰
林四諫

庚寅
六年秋七月皇子生於西內

皇子卽孝宗母紀氏賀縣人本土官女
征蠻俘入掖庭命守內藏時萬貴妃專
寵而妬後宮有娠者皆墮之帝偶行內
藏妃應對稱旨悅幸之遂有娠萬貴妃

知而志甚令婢鉤治之婢謬報曰病瘳乃謫居安樂堂久之皇子生使門監張敏溺焉敏驚曰上未有子奈何棄之稍哺粉餌餼寮藏他室貴妃日伺無所得

辛卯七年春正月始立漕粟長運法

初運漕京師軍民互相轉運民運淮徐臨清德州四倉軍接運入京通二倉曰支運宣德間平江伯陳瑄請令民運至淮安瓜州兌交運軍給其路用耗米是爲兌運至是應天巡撫滕昭變爲長運法令運車徑赴江南水次交兌曰改兌復加渡江米一斗後數年命淮徐臨德四倉之米悉改水次交兌而官軍長運

遂爲定制

冬十月立子祐極爲皇太子

太子萬貴妃所生尋患痘疹薨諡曰悼恭

十一月彗星見於紫微

彗星久見廷臣皆謂君臣否隔宜時召大臣議政大學士彭時商輅力請中官約以御殿日名對且曰初見時情未洽勿多言將入復約如初比見時言天變可畏帝曰已知卿等宜盡心辦事時又言昨御史有疏請減京官俸薪武臣不

免缺望乞如舊便帝可之萬安遂頓首
呼萬歲欲出時不得已皆叩頭退中官
戲朝臣曰若輩嘗言不見名及見止知
呼萬歲耳一時傳笑謂之萬歲閣老帝
自是不復召見大臣其後尹直入閣欲
請見計事安止之曰君不聞彭公耶請
召對一語不合輒叩頭呼萬歲今吾輩
每事盡言太監擇而聞之上無不允者
勝面對
多矣

甲午十年春正月命王越總制三邊

刑部主事張鼎言延緩甘肅寧夏三邊
鎮撫不相統一宜推文武重臣一人總

制因設制府於固原詔以越爲之巡撫
總兵而下並聽節制三邊總制自此始
乙未十一年春三月少保文淵閣大學士彭
時卒

時立朝三十年持正存大體有所論薦
不使人知燕居無惰容非其義不取有
古大臣風
卒諡文憲

夏五月始召見皇子於西內

帝自悼恭太子薨常鬱鬱不樂一日召
太監張敏櫛髮照鏡歎曰老將至而無

子敏伏地曰萬歲已有子也帝愕然曰
安在太監懷恩頓首曰皇子潛養西內
今已六歲匿不敢聞耳帝大喜卽日幸
西內遣使迎皇子紀妃抱皇子泣曰兒
去我不得生見見黃袍有鬚者卽兒父
也衣以小緋袍乘小輿擁至階下髮披
地走投帝懷帝置之膝撫視良久悲喜
泣下曰我子也類我使懷恩赴內閣具
道其事羣臣皆大喜懷恩并傳帝意欲
宣示外廷商輅曰當降敕禮部以定名
爲辭於是廷臣相率稱賀帝卽命皇子
出見廷臣越數日帝復召閣臣問曰皇
子旣出將何以處之輅頓首曰陛下踐
阼十年儲副未立天下引領望久矣當

卽立爲皇太子。安中外心。帝領之。遂定名祐檣。頒詔中外。六月。紀妃暴卒。

冬十一月立子祐檣爲皇太子

時孝肅皇太后居仁壽宮。詔帝曰。以見付我太子。遂居仁壽。一日。貴妃召太子食。太后謂曰。兒去無食也。太子至。貴妃治食。曰。已飯進羹。曰。疑有毒。貴妃曰。是兒數歲卽如是。他日魚肉我矣。因恚成疾。

之
丁酉十三年春正月置西殿以太監汪直領

初成祖置東廠令宦官訪緝逆謀大奸與錦衣衛均權勢至是尚銘領東廠又別設西廠刺事以直督之所領緹騎倍東廠勢遠出衛上直任錦衣百戶韋瑛爲心腹屢興大獄寃死者相屬自諸王府邊鎮及南北河道所在校尉羅列民間鬪詈雞狗瑣事輒置重法人情大擾是年夏大學士商輅率同官上言陛下委聽斷於直直又寄耳目於羣小擅作威福賊虐善良陛下若謂摘奸禁亂爲有益則前此數年何以帖然無事自直用事卿大夫不安其職商賈不安於途庶民不安於業若不亟正天下安危未可知也帝得疏愠曰用一內豎何遽危

天下誰主此奏者命太監懷恩覃昌至
閣詰責輅正色曰朝臣無大小有罪皆
請旨逮問直擅抄三品以上京官大同
宣府邊城要害守備俄頃不可缺直一
日械數人南京祖宗根本地直擅收捕
畱守大臣諸近侍在帝左右直輒易置
直不去天下安得無危兵部尚書項忠
亦倡九卿劾之帝不得已令直歸御馬
監調瑛邊衛散諸旗校還錦衣中外大
悅然帝眷直不衰仍令密出外刺事御
史戴縉者性險躁干進探知帝意乃假
災異建言頌直功德遂詔復開西廠

夏四月兵部尚書項忠爲民五月謹身

殿大學士商輅引疾歸

初忠倡九卿劾汪直既為奏令郎中姚
璧持詣諸尚書署名先詣吏部尹旻却
曰奏出項尚書兵部宜為首璧對曰公
六卿之長也旻怒曰今日乃知六卿長
耶既署名即遣報直直喻之搆忠下獄
斥為民直又譖輅納指揮楊驤金輅乞
罷聽歸戴縉乞令兩京大臣自陳欲以
傾直所不悅者於是大臣以次陳免者
數十人土大夫
益俛首事直矣

辛丑十七年夏四月命司禮監同法司錄囚

命太監懷恩同三法司錄囚自是每五
歲內臣審錄以爲常謂之大審南京則
命內守備行之初成祖定熱審之例仁
宗命閣臣會審英宗命三法司同公侯
伯朝審至帝罷不行而內臣大審所矜
疑放遣嘗倍於熱審於大理寺爲三尺
壇中坐齋敕張蓋三法司左右坐御史
郎中以下捧牘立唯諾趣走惟謹三法
司有所出入輕重俱
視中官意不敢忤

壬寅
十八年春二月罷西廠

小中官阿丑善詆諧一日於帝前爲醉
者謾罵賊人言駕至嫚如故又言汪太

監至則避走曰今日但知汪太監也時
王越陳越霜直結為死黨並復為直狀
操兩錢還帝前曰吾將兵仗此兩錢耳
問何銀曰王越陳越也者稍稍寤至是
科道徐鏞等交章劾兩繼苛察紛
擾大傷國體帝罷之中外欣然

秋九月召陳獻章為翰林院檢討尋乞歸

獻章廣東新會人會試不第歸築一室
名陽春曰杜門端默其中以明心為務
久若有得嘗云為學須從靜中坐養出
箇端倪方有商量處未可便靠書冊也
布政使彭韶疏薦之授翰林院檢討
即謝恩歸學者稱白沙先生

冬十月太監汪直有罪褫職

其黨王鉞吳綬陳鉞戴縉並除名爲民餘貶謫有差

甲辰二十年秋東廠太監尚銘有罪褫職以

太監陳準代之

銘怙寵弄權羅織縉紳贖貨甚於汪直至是卒以貪敗宥不誅準爲人平恕清儉下令軍校曰大逆者告我非此則有司之事也毋與焉由是中外安之

丙午二十二年冬十月擢浙江參政馬寅爲

山東布政使

寅松江華亭人誠心直道無黨援未嘗以淹屈降志當語客曰君子有三惜此生不學一可惜此身閒過二可惜此身一敗三可惜客避席曰名言也

十二月致仕少保吏部尚書謹身殿大學

士商輅卒

輅浙之淳安人甲三元立朝正直馬鈞陽曰我朝賢佐商公第一卒諡文毅

丁二十三年秋八月帝崩九月太子祐檣

卽位冬十月除進士李文祥爲陝西咸寧

縣丞

文祥與萬安孫弘璧同年進士安欲引
文祥附已使弘璧延欸於家屬題畫鴈
文祥卽奮筆作詩云春來風雨尋常事
莫把天恩作已恩安銜之至是文祥上
疏語過切直安令吏部選除文祥繁
難衙門做縣丞着歷練遂補咸寧

十一月萬安罷

帝於宮中得疏一小篋皆論房中術未
署曰臣安進帝令太監懷恩持至閣曰

月三

憲宗我化

三

此大臣所爲耶安愧汗伏地庶吉士鄒
智御史姜洪交章列安罪狀復令
恩就安讀之安救跪起求哀無去志恩
直前摘其所懸牙牌曰可去矣始惶遽
歸第乞休去安時年七十餘
在道猶看三台星冀復用

追諡母紀氏爲孝穆皇太后

明史學要卷四

明史學要卷五

雲間

姚培謙平山

同錄

張景星二銘

同學范志尹博邨參閱

孝宗敬皇帝

諱佑橈憲宗子
在位十八年

戊申弘治元年春二月帝耕藉田

禮畢宴羣臣教坊以雜伎進御史馬文升厲色曰新天子當知稼穡艱難豈宜

明史學要卷五

孝宗弘治

十一

以此瀆亂宸
聰卽斥去之

罷選淑女

中官郭鏞請預選妃嬪以廣儲嗣庶子
謝遷上言山陵之工未畢諒闇之痛猶
新此必宜覽巧爲謏辭以動陛下非本
心也陛下富於春秋俟祥禪之後徐議
未晚願亟寢
前命從之

三月起用言事降謫諸臣

主事張吉王純中書舍人丁機進士李
文祥敖毓元竝以言事遠謫南京吏部

主事儲巘上言五人者既以直言徇國必不變節辱身乞擢置風紀論思之地則言論風采必有可觀命吏部起用之

加贈前少保兵部尚書于謙

特進光祿大夫柱國太傅諡肅愍建祠墓賜額曰旌功命有司春秋致祭後復以謙配伍子胥褚遂良岳飛爲四忠祠至嘉靖十八年改諡忠肅

己酉二年秋七月以孔鏞爲田州知府

峒獠犯城衆議閉門守鏞曰孤城中虛能支幾日乎祇應諭以朝廷恩威庶自

解耳。皆謂孔太守書生迂談耳。鏞曰：然則束手何盡乎？衆曰：卽爾誰當往？鏞曰：此吾城也。吾當獨行。卽獨乘一馬徑入峒賊露及出迎。鏞顧賊曰：我乃爾父母官。孔太守也。賊曰：豈聖人兒孫耶？皆羅拜。鏞曰：我固知若曹本良民。迫於凍餒。聚此苟圖救死耳。朝廷命我作汝父母官。不忍便殺害汝。若信能從我。當宥汝罪。爾後無復劫掠。若不從。可殺我。後有官軍來問罪。汝當之矣。衆錯愕伏地曰：誠如公言。公誠能相恤。請終公任。不復擾犯。衆殺牛馬爲麥飯以進。鏞飽啖之。歸城與之穀帛。賊取謝而去。

冬十月吏部侍郎楊守陳卒

守陳性恬淡權幸欲援之使所親喻意守陳却之曰吾猶嫠婦也守節三十年今已老矣豈白首而改節耶卒諡文懿

庚戌三年夏令天下設預備倉

每十里積糧一萬五千石三年一次查盤有司少三分者少五分者罰俸少六分以上者九年考滿降用

辛亥四年秋九月劉吉罷

明倫彙編

孝宗弘治

三

吉與萬安劉翊在憲宗朝無所救正時
有紙糊三閣老泥塑六尚書之謠至是
帝欲封張皇后弟伯爵命吉撰誥券吉
言必盡封周王二太后家子弟乃可帝
不悅使中宮至其家勒令致仕先是萬
安尹直被劾罷吉慮科道言之乃傾身
阿結祈免劾彈左庶子張昇數吉十罪
自謂李林甫之蜜口劍腹賈似道之牢
籠言路合而爲一宜亟譴斥御史魏璋
等阿吉意交章劾昇指爲輕薄小人左
遷昇南京工部員外郎由是人
目吉爲劉棉花以其耐彈也

冬十月以禮部尚書邱濬兼文淵閣大學

士

先是召入閣者皆自侍郎而下未有以尚書入閣者尚書入閣自濬始

壬子五年秋八月更中鹽法

洪武初以大同糧儲路遠費重令商人於大同倉入米一石大原倉入米一石三斗給長蘆淮鹽各一引引二百斤鹽畢卽以原引赴所在繳之謂之開中成化時始以銀易米然未嘗著爲令也至是戶部尚書葉淇召商納銀令運司類解太倉分給諸邊每引輸銀三四錢有差視國初直加倍而商無守支之苦一

時太倉銀累至數百萬然赴邊開中之
法廢商屯撤業救粟翔貴邊儲日虛矣
冬十一月停納粟例

尚書王恕言永樂宣德正統間天下亦
有災傷各邊亦有軍餉當時無納粟例
糧不聞不足軍民不聞困弊比年來一
遇災歉輒行捐例人旣以財進身欲其
祇廉隅爲循吏豈可得也帝卽命止之

丙辰九年冬十二月刑部吏徐珪請革東廠
黜爲民

刑部郎中丁哲員外郎王爵斷獄忤東
廠法司承太監楊鵬指擬哲等罪徒珪
不平上言臣在刑部三年見盜賊多東
廠鎮撫司所獲有稱校尉挾讐陷或爲
人報讐或受首惡賊令傍人抵罪刑官
莫敢改多在殺人臣願陛下革東廠戮
楊鵬臣一介微軀自知不免與其死虎
口孰若死於朝廷願陛下斬臣首行臣
言死不悔帝以其狂誕發原籍爲民哲
等放歸進士孫磐上疏曰近者言官劾
人率乘勢敗排觸奸倖反出胥吏議者
羞之請定建言爲四等最上彈劾權貴
其次補拾闕遺又其次建白裨國家大
體分別擢敘粉飾文具循默不言者黜

印家要卷三
之時不能

丁巳十年春三月命戶部侍郎劉大夏督理
宣大軍餉

大夏將行尚書周經謂曰塞上勢家子弟以市糶爲私利公毋以剛賈禍大夏曰處天下事以理不以勢俟至彼圖之初塞上糶買必粟千石芻萬束乃得告以故中官武臣得操利權大夏令有芻粟者自百束十石以上皆許勢家無所牟利不兩月儲積充羨

戊午十一年秋九月華蓋殿大學士徐溥罷

溥性凝重有度在政府十二年屢遇大獄及逮繫言官委曲調劑嘗言祖宗法度所以惠元元者備矣患不能守耳一無所更置卒諡文靖

辛酉十四年秋七月掌國子監禮部侍郎謝

鐸上言請澄國學之源

鐸言人才選之科貢猶恐未精奈何大開旁徑如納馬納粟之例卽他日貪利害民之媒今邊事方殷謀國之徒必有以此策獻者萬一再行則彛倫之堂竟

明史紀事本末卷五
六
爲錢虜交易之地豈不大可耻哉願深
鑒前弊雖國用不足亦當別爲節縮區
處此策斷
不可行

冬十月以劉大夏爲兵部尚書

大夏辭不許既拜命問曰卿數引疾何
也大夏頓首言臣老且病竊見天下民
窮財盡脫有不虞責在兵部
度力不辦故辭耳帝默然

癸亥十六年夏五月兵部尚書劉大夏乞致
仕不許

帝召大夏問曰邇聞軍民多不獲所焉
得天下太平大夏對曰求治亦難太急
惟行所當行久之天下自治帝一日召
大夏諭曰今後有當行當罷者卿可寫
揭帖密進來大夏對曰先朝李孜省可
爲鑒戒帝曰卿與我論國事豈孜省徇
私害物者比乎大夏曰是亦前代斜封
墨敕之弊也陛下所行遠法帝王近法
祖宗事之可否外付之府部內咨之內
閣可也如用揭帖日久上下俱有弊且
非後世法臣不敢效順帝稱善久之
一日大夏對久事畢欲起不能帝曰司禮
監來朕與劉尚書論事話長彼老不能
興爾李榮與某扶掖出左順門外榮且

扶且謂大夏曰吾輩行事不好處多老
先生於上前幸隱惡揚善大夏曰聖上
天性聰明某於政事外未嘗敢輕易毀
譽他人某今日求退上曰李榮亦在朕
前說卿是好官如某者與老太監踪跡
疎遠不知何以如此榮曰當朝大臣公
名第一榮何
敢蔽賢也

甲子
十七年春二月定太后周氏祔廟制

太后崩上尊諡曰孝肅睿皇后既而大
學士劉健等覺其誤奏曰漢以前惟一
帝一后唐始有二后宋亦有三后竝祔
者帝曰二后已非若三后尤爲非禮謝

遷奏曰彼三后一乃繼立一則所生母也帝曰事須師古太皇太后鞠育朕躬恩德深厚朕何敢忘但一人之私情耳錢太后乃皇祖冊立正后我朝祖宗以來惟一帝一后今若竝祔乃從朕壞起恐後來雜亂無紀極耳尋詔罷尊諡仍稱太皇太后立廟別祭

乙丑十八年春三月下戶部主事李夢陽獄旋釋之

先是夢陽上疏指斥貴戚皇后母金夫人與壽寧侯張鶴齡切齒之口在帝前

泣訴不平帝不得已下夢陽詔獄科道
官交章入救金夫人猶前泣訴求加重
刑帝不聽統而鎮撫司具獄辭以請帝
批令復職惟罰俸三月而已他日帝遊
南宮二張夜入侍酒皇后皇太子金夫
人皆遙遞出遊帝獨召大張膝語左右
咸莫聞知第遙見大張免冠觸地蓋因
夢陽之言而罪壽寧也後劉大夏被召
便殿奏事畢帝曰近來外事如何大夏
曰近有旨釋李夢陽中外歡呼聖德如
天之大帝曰夢陽本內事關戚畹朕不
得已而下之獄左右皆曰此人狂妄宜
付錦衣衛撻以釋之朕揣知此輩意欲
得旨下便令重責致其死以快宮中之

怒使朕受殺直臣之名朕所以卽釋復職更不令法司擬罪也大夏頓首謝曰堯舜之仁也

夏五月帝崩

帝大漸召劉健李東陽謝遷至乾清宮執健手曰先生輩輔導辛苦朕備知之東宮年幼好逸樂先生輩當教之讀書輔導成德健等獻欵受命辛卯召東宮諭以法祖用賢午刻崩年三十六

太子厚照卽位

武宗毅皇帝

諱厚照孝宗子
在位十六年

丙寅正德元年夏四月吏部尚書馬文升罷

以焦芳代之

時朝政已移於中官文升目懷去志會
兩廣缺總督推兵部侍郎熊繡可任繡
快快其同鄉御史何天衢劾文升徇私
文升連疏乞休去芳粗鄙無學識好嫚
罵人既積忤廷臣乃深結閹宦以于進
帝初卽位廷議以國用不足勸上節儉
芳知左右有竊聽者大言曰庶民家尚
須用度何況縣官今天下多逋租匿稅

不是檢索而但云損上何也帝聞大喜會文升去遂代爲尚書

冬十月以劉瑾掌司禮監事華蓋殿大學士劉健武英殿大學士謝遷戶部尚書韓文竝罷

瑾東宮舊監也帝卽位與其黨馬永成高鳳羅祥魏彬邱聚谷大用張永俱用事時號八虎日進鷹犬歌舞角觝之戲導帝微行又勸帝令鎮守內臣各進萬金奏置皇莊三百餘所畿內大擾文深憤憂之對屬吏言輒泣下郎中李夢陽

曰公大臣也義與國同休戚徒泣何益
文毅然改色曰吾年足死矣不死不足
以報國遂令廖陽具疏草文讀而度之
曰是不可文文上弗省也不可多多覽
弗竟也疏具遂合九卿諸大臣上言略
曰此等細人惟知蠱惑君上以便已行
私而不知赫赫天命皇皇帝業皆在陛
下一身萬一遊宴損神起居失節雖將
此輩齏粉茹醢何補於事乎乞將永成
等拿送法司明正典刑先是科道亦交
章請急除羣奸健遷與東陽乞誅永成
等疏畱中五官監候楊源以星變陳言
帝意頗動文率諸大臣極諫帝命司禮
監王岳等詣閣議遣瑾等南京健遷欲

遂誅之事垂濟而焦芳洩其謀於瑾瑾等夜趨帝前環泣曰微上恩奴輩飼犬矣且毬馬鷹犬何損於政若司禮監得人左班官安敢如是帝立命瑾掌司禮監永成大用提督東西廠永督十二團營兼神機營彬督三千營各據要地文再疏諫不聽健遷卽乞休聽歸瑾既得志遂以事褫文職并杖謫諸臣之請畱健遷者瑾每奏事必偵帝爲戲弄時帝厭之亟麾去曰吾用若何事乃溷我自此遂專決不復白每於私第批答章奏辭率鄙冗芳爲潤色之東陽頰首而已

十一月以焦芳兼武英殿大學士

芳性險懷劉瑾引芳入閣表裏爲奸凡
變紊成憲桎梏臣工杜塞言路酷虐軍
民皆芳導之

丁卯二年春正月兵部主事王守仁上疏論
事謫貴州龍場驛丞

守仁論救言事南科給事戴銑等劉瑾
怒廷杖五十絕而復甦因謫龍場明年
四月在途瑾遣人隨偵將致之死至錢
塘恐不免遂乘夜伴投江冠履浮水上
遺詩有百年臣子悲何極夜夜清聲泣
子胥之句浙二司及杭守信之命漁人

索尸祭於江上。家人亦成服。守仁潛附商舟浮海至閩。入武夷山遠遁。或謂之曰。爾有親在。未免爲累。乃赴龍場驛。

夏四月。敕各鎮守太監。預刑名政事。

新差天下鎮守太監。奏乞如巡撫之任。干預刑名諸政。劉瑾從之。令內閣撰敕增入。由是中官挾勢剝害。憲臣不能禁矣。

秋八月。逮前總制三邊都御史楊一清下獄。尋釋之。

先是一清以花馬池一帶地勢平漫寇
每從此毀牆入固原平涼不能耕牧請
修築邊牆帝發帑金數十萬工方興而
劉瑾憾一清不附已一清遂引疾歸尋
以一清破冒邊費逮下錦衣
獄李東陽王鏊力救乃得釋

作豹房

帝爲羣閹蠱惑於西華
門作豹房朝夕處其中

戊辰
三年春正月下李夢陽錦衣獄

夢陽代韓文草疏劉瑾已謫出之猶不
快前忿羅以他事械至京遂下之獄將

置之死時翰林修撰康海與夢陽同有才名各自負不相下瑾慕海嘗欲招致門下而海不往至是夢陽所親有左姓者謂夢陽曰子殆無生路矣惟康子可以解之夢陽以片紙書數字曰對山揀我唯對山爲能揀我餘無一言對山者海別號也左持書詣海海遂詣瑾瑾焚香迎海延置上座命左右設席海曰吾有言告公公如聽吾言當爲公出瑾曰云何海曰昔唐明皇任高力士寵冠羣臣且爲李白脫靴公能之乎瑾曰瑾卽請爲先生脫之海曰今李夢陽高於李白數倍而海固萬不及一者也下獄而公不爲之援奈何欲爲白等脫靴哉卽

奮衣起躍固寒而止之日此朝廷事今
聞命即當給旋之海遂與之痛飲夢陽
得釋歸

夏六月劉瑾執朝士三百餘人下獄

午朝退有遺匿名書於御道備言瑾等
亂政事詔百官悉跪奉天門外頃之執
庶僚三百餘人下詔獄時酷暑有暴死
者明日李東陽等力救瑾亦廉知其同
類所爲
衆獲宥

秋九月逮前兵部尚書劉大夏下獄戍肅

州

初大夏以鎮守中官董讓等貪殘請按治帝不能用致仕歸劉瑾與焦芳譖於帝曰籍大夏家可當邊費十二會田州岑猛叛遂謂大夏前爲巡撫時激變逮下詔獄論死都御史屠濬持不可瑾嫚罵曰卽不死可無成耶李東陽爲婉解瑾謂大夏家實貧乃坐戍極邊初擬廣西芳曰是送若歸也遂改肅州大夏年已七十三布衣徒步過大明門下叩頭去觀者歎息泣下

冬十二月起前江西提學副使蔡清爲國

子監祭酒未至卒

清福建晉江人飭躬勵行好學安貧四方學者宗師之稱虛齋先生

巳四年春正月罷總督漕運都御史邵寶

寶常州無錫人以古文古行知名累遷都憲督漕運劉瑾銜之勒令致仕寶性度端雅臨事猶講學未嘗疾容遽色嘗曰願爲眞士夫不願爲假道學後瑾誅起爲吏部侍郎卒諡文莊

夏四月王鏊罷

鑿見焦芳專事姸阿劉瑾驕悖日甚居
常戚戚乞休去家居十四年廷臣交薦
不起卒
諡文恪

冬十月大學士焦芳致仕以劉宇爲文淵
閣大學士張綵爲吏部尚書

始宇介於焦芳以結劉瑾得入爲都御
史又以萬金贊瑾遂晉吏部尚書至是
瑾欲用綵代宇乃令宇入閣宇宴瑾閣
中極權明日將入閣任事瑾曰爾真欲
相耶此地豈容再入宇乃乞省墓去綵
以瑾同鄉一歲之中由郎署掌六卿變

亂選格賄賂肆行金帛奇貨相望途巷
性尤漁色撫州知府劉介娶妾美綵特
擢介太常少卿盛服往賀曰子何以報
我介惶恐謝曰一身外皆公物綵曰命
之矣即使人直入內牽其妾輿載歸瑾
誅宇削籍綵以預謀逆瘦死獄中仍剉
尸於市籍其家
妻子流海南

庚午
五年夏四月安化王寘鐸反

寘鐸慶靖王曾孫也與其黨周昂等潛
蓄逆謀會大理寺少卿周東度出寧夏
苛斂騰怨寘鐸遂舉兵反殺東度巡撫
總兵官傳檄遠近以誅劉瑾爲名刻期

渡河關

中大震

五月起前右都御史楊一清帥兵討寘鐫
命太監張永總督軍務

先是寧夏遊擊將軍仇鉞屯玉泉營寘
鐫召之鉞謬以兵隸賊營自稱疾堅臥
及一清將至寘鐫令周昂就鉞問計鉞
方呻吟伏卒猝起捶殺昂乃提昂首麾
兵馳縛寘鐫賊平封咸寧伯初劉瑾欲
盡除軋已者伺間言於帝調永南京永
覺之直趨至御前訴已無罪爲瑾所害
召瑾至語不合永卽奮拳歐之谷大用

明倫彙編
家範典
卷五

等解之令諸近臣皆置酒和解由是永
深恨瑾至是一清與永西行一日歎息
泣謂永曰藩室亂易除國家內變不可
測奈何永曰何謂一清促席手書瑾字
永曰渠日夜在上傍上一日不見渠不
樂今其枝附已成耳目廣矣奈何一清
曰公亦天子信幸臣公班師入見時上
寘鑄偽檄并述渠亂政兇狡謀不軌海
內愁怨大亂將起上必悟誅瑾誅誅柄
用公益矯瑾行事呂強張承業暨公千
載三人耳永勃然作曰
老奴何惜餘生報主乎

六月帝自稱大慶法王

帝於佛經梵語無不通曉鑄大慶法王
西天覺道圓明自在大定慧佛金印自
稱法王其後帝習韃靼語自名忽必烈
習回回語自名妙吉敖爛習番僧語自
名領古
班丹

秋八月劉瑾伏誅

張永還京獻俘帝置酒勞永瑾等皆侍
比夜瑾退永出寘鐔殿因奏瑾不法事
帝已被酒俛首曰瑾負我永曰此不可
緩馬永成等亦助之遂縛瑾明日詔自
正德二年後所更政令悉如舊帝親籍
瑾家金數百萬珠玉寶玩無筭所持扇

內藏利七首二帝大怒曰奴果反命百
官會鞠午門獄具詔磔於市怨家爭購
其肉生噉之諸附瑾者皆竄逐朝署爲清

焦芳罷

劉瑾濁亂朝政荼毒縉紳皆芳導之每
過瑾言必稱千歲自稱曰門下四方賂
瑾者先賂芳始張綵爲郎時芳力薦以
悅瑾比綵爲尚書芳納賄薦人無虛日
瑾數於衆中斥責之芳不得已乞歸瑾
敗斥爲民後流賊趙鐃寇河南發其先
世塚墓無遺骸取芳衣冠被庭樹歷數
其惡命劍士斬之曰使吾手誅此賊以

謝天

下

辛未六年夏五月前兵部尚書劉大夏卒

大夏明識治體愛百姓如已子吳公廷舉謂古人有言憂民如有病見客似無官公足以當之先是憲宗好寶玩中貴迎合上意言宣德間常遣王三保出使西洋等番所獲奇珍異貨無筭因命中貴至兵部查三保至西洋時水程時項忠爲兵部尚書大夏爲車駕司郎中先入檢得之藏匿他處都吏檢之不得會科道連章諫其事遂寢後忠呼都吏詰曰庫中案卷焉得失去大夏在旁微笑

日三保太監下西洋時所費錢糧數十萬軍民死者亦有萬計縱得珍琤於國何益此一時弊事舊案雖在亦當毀之以拔其根尚足追究其有無哉忠聳然降位再揖大夏謝曰公陰德不細此位不久當屬公矣後大夏果至尚書卒贈忠宣

秋七月流賊作亂

劉六劉七齊彥名等皆霸州文安響馬賊與太監谷大用馬永成張忠同鄉因諸內官家人混入禁內至豹房縱觀帝遊幸之所及爲都御史甯杲所逼遂聚

衆拒捕有司擒獲彥名收安肅縣獄劉
七等帥衆劫獄奪去旬日間聚至數百
所在窮民響應橫行北方殘破州縣屢
敗官軍馴至山東河南江淮皆騷然矣
八月賊擁衆北向京師戒嚴又有趙風
子名燧霸州文安縣生員爲劉六劉七
所擒因降爲盜後與楊虎邢老虎合爲
一夥轉掠河南七年五月爲延綏寧夏
官軍所敗轉寇至六安官軍追擊之其
衆多遁散亡楊虎邢老虎俱死風子知
事不濟遇一僧奪其度牒削髮詐爲僧
欲渡江遇武昌軍人趙成執之閏五月
劉六劉七彥明等爲官軍所敗八月遁
走至通州狼山遇颶風舟覆賊盡殲焉

壬申七年冬十月李東陽罷

劉瑾誅東陽卽上疏乞休不允南京御史張芹劾東陽當劉瑾專權亂政時阿諛承順不能力爭陛下任用得人潛消禍變却又攘以爲功冒應恩蔭乞賜罷黜不聽東陽嘗撰瑾父封誥曰積善以貽子孫嘗聞其語揚名以顯父母今見其人又曰號令風行乎天下威名雷動於八方爲京師傳笑云至是以老乞休許之家居四年卒諡文正

甲戌九年春三月寧王宸濠奏乞復護衛屯

田許之

宸濠太祖子寧獻王四世孫封國南昌
天順間寧府以事革去護衛及屯田劉
瑾用事宸濠賂瑾復得之瑾誅復革至
是又賂伶人臧賢以請於朝許之宸濠
既得護衛益驕橫言官交
章論護衛不可與竟不聽

乙亥十年秋七月遣太監劉允使烏思藏

左右言西域胡僧能知三世遂命允往
迎以珠琲爲幡幢黃金爲供具餽賜鉅
萬所攜鹽茶又數十萬允至臨清漕艘
爲之阻截入夾江舟大難進易以鱣鱧

相連二百里至成都又治入番器物居
歲餘始行兩月至其地番僧恐中國誘
害之匿不出見允脅以威番人夜襲之
奪其寶貨器械去士卒死者數百人

丙子十一年春正月以王守仁爲僉都御史

巡撫南贛汀漳等處夏四月帝練兵西內

時邊將江彬與許泰劉暉錢寧皆賜姓
朱氏率兵入衛都人稱外四兵家彬尤
近狎用事帝於西內練兵時令彬等率
兵入習營陳校騎射或時爲角觝之戲
帝戎服臨之銃砲之聲不絕於禁中彬
等日狎昵帝多畱宿豹房與彬等同臥

起或親搏虎爲樂彬等時導帝
出宮禁游獵羣臣屢諫不聽

丁丑十二年夏六月秦藩請益封壤不許

秦惠王太祖子秦王襍之曾孫也疏請
陝之邊境益其封壤帝許之大學士楊
廷和當草制引疾不視事蔣冕亦繼引
疾大學士梁儲曰如皆引疾孰與事君
儲承命草上制曰昔太祖皇帝著令曰
此土不畀藩封非吝也念此土廣且饒
藩封得之多畜士馬饒富而驕奸人誘
爲不軌不利宗社今王請祈懇篤朕念
親親畀地於王王得地宜益謹毋收聚
奸人毋多養士馬毋聽狂人勸爲不軌

震及邊方危我社稷是時雖欲保全親親不可得已王慎之毋忽帝覽制駭曰若是其可虞事遂寢儲從容回天時咸嘉其善諫

秋八月帝微行至宣府

江彬欲攘權數導帝遠遊使諸倖臣不得近因言宣府樂工多美婦人且可觀邊釁何鬱鬱居大內爲廷臣所制帝然之至是急裝微服出得勝門幸昌平大學士梁儲蔣冕毛紀追及於沙河請回蹕不聽至居庸關巡按御史張欽閉關不奉詔乃還越數日復夜出先令太監谷大用代欽止廷臣追諫者因度關幸

宣府彬先爲帝建鎮國府第輦豹房珍
玩女御實其中彬從帝數夜入人家索
婦女帝大樂之未幾幸陽和迤北五萬
騎入寇諸將王勛等力禦之轉戰五日
至應州寇引去官
軍死者數百人

九月帝自稱總督軍務威武大將軍總兵
官

戊寅十三年夏六月帝自加封鎮國公復如
宣府

明史紀事本末

卷三

帝還京師復議北巡楊廷和梁儲等極諫萬乘不宜輕出帝不聽乃自稱威武大將軍太師鎮國公朱壽巡邊命內閣草敕廷和等上言無故自損下同臣庶天地易位冠履混淆名義乖謬萬一宗藩之中或有援引祖訓指此爲名其本上請不知陛下將何以自解疏上不肖屢遣中官促之廷和稱疾不出召儲面促草敕儲奏曰敕不可草帝大怒手劍立曰不草敕齒此劍儲免冠解衣帶伏地流涕曰草敕以臣名君死不敢奉命良久帝悟擲劍而起不復促草敕

巳卯十四年春二月帝還京師三月帝自加

太師救諭南巡

諭禮部太師鎮國公朱壽將巡兩畿山東祀神祈禱其具儀以聞又諭工部今南行宜喚修黃馬快船閣臣及科道皆切諫不報兵部郎中黃鞏等疏言陛下卽位以來紀綱法度一壞於逆瑾再壞於佞幸又再壞於邊帥蓋蕩然無餘矣亂本已生禍變將起因陳六事一崇聖學二通言路三正名號四戒遊幸五去小人六建儲貳修撰舒芬等亦言陛下兩巡西北四民告病哀號聲徹天今聞南巡民多逃竄非古巡狩之舉而幾於秦皇漢武之遊宜鑑博浪槓人之禍郎

中張衍瑞等百餘人相繼抗疏諫帝怒其執六人下鎮撫司掠治餘一百七人跪闕前五日旋杖之死者十一人

夏六月宸濠反都御史王守仁討平之

宸濠久蓄異志交通肘腋中外無敢言者時帝無儲嗣巡幸不時人情危懼宸濠日夕覬覦聞帝將南巡陰遣樂人張設勾欄雜戲欲邀帝幸會朝廷遣官戒諭又遂其旗校遂決計反會宸濠生日宴都御史孫燧兵備副使許達等明日燧等入謝宸濠令閉門甲士露刃環之詭言太后有密旨燧曰果有旨巡撫大

臣當與聞請出觀之宸濠怒叱甲士縛
燧達奮身起罵并縛達斬之布政司梁
辰胡濂按察司楊璋等皆降賊賊以致
仕官李士實舉人劉養正爲謀主釋獄
囚收府庫遣人分詣郡邑奪印起兵遂
陷南康九江進圍安慶時守仁方奉命
勘事福建至興城聞變遂還與吉安知
府伍文定謀集諸路兵擣賊巢傳檄遠
近暴宸濠罪守仁恐賊出長江順流東
下乃以計撓之爲蠟書遣士實養正令
慫恿早發兵東下而縱謀洩之士實養
正勸宸濠疾趨南京宸濠果心疑不敢
出諸路勤王兵旣集或議救安慶守仁
曰九江南康皆爲賊據我若越二城趨

司馬文正公集卷之五

三

安慶賊必回軍死鬪是腹背受敵也賊
精銳悉出守備皆空不如直搗南昌使
彼解圍自救然後逆擊之湖中蔑不勝
矣衆稱善文定信道進夜半破廣順門
禽宜春王拱樞宸濠聞敗急還官軍擊
走之退保樵舍聯舟爲方陣又卽岸爲
營文定先遣五百人募舟四十艘實藁
灌油與對江而軍別遣兵自下流潛渡
繞伏賊後黎明發舟乘風縱火頃刻達
賊營宸濠舟膠淺觸艦連絡不得發登
岸伏兵夾擊賊大敗挾宮女四人遁萬
安知縣王冕追執之并其世子郡主將
軍等數百人初宸濠將反婁妃嘗泣諫
之不聽旣就擒與監軍官言往事卽痛

哭且曰昔紂用婦言而亡天下我不
用婦言而亡家國悔恨何及

秋八月帝自將擊宸濠

初宸濠反狀聞帝欲親征楊廷和諫不
聽以安邊伯許泰爲威武副將軍領先
鋒趨南京太監張忠左都督劉暉趨江
西令王守仁兼領巡撫事至是守仁平
賊之奏已至仍決意南征江彬等嫉守
仁功令縱宸濠於鄱陽湖俟上親征奏
凱守仁不可間道趨玉山土書請獻俘
止帝南征不許會張永至杭州守仁乃
以宸濠付之身還南昌忠泰恨失宸濠
故縱京軍犯守仁或呼名嫚罵守仁撫

之愈厚忠泰言寧府富厚甲天下今所
蓄安在守仁曰盡以輸京師要人約內
應耳今有籍可按也忠泰故嘗納宸濠
賂氣慚不敢言會日長至守仁命居民
巷祭且上塚哭時新喪亂悲聲震野京
軍離家久皆泣下思歸忠泰不得已遂
班師譖守仁必反帝召守仁立馳至忠
泰沮遏之不令入見乃入九華山宴坐
草廬帝親知之曰守仁道學人也何謂
反乎遣還鎮令更上捷奏守仁易前奏
言奉威武大將軍方略討平寇亂
且盡入諸嬖幸名彬等乃無言

冬十二月如南京

庚辰十五年秋九月帝漁於積水池遂有疾

帝發南京至清江浦幸太監張陽第踰三日泛小舟漁於積水池舟覆左右掖帝出自是遂不豫

冬十月至通州誅宸濠

帝久駐於外京師洵傳言江彬欲爲變及召諸大臣人情益懼楊廷和等舉故事請帝還大內御殿受俘然後誅宸濠不納趨召廷和等至通州受事卽行在執宸濠戮之乃還京師還之日大耀軍容俘諸從逆者及家屬數千人皆裸

體反接揭白幟標其名死者梟於竿帝
戎服乘馬立正陽門下閱視良久乃入
已十六年春正月帝還京師三月崩於豹

房

先是帝郊祀壇血與疾歸逾月益篤至
是谷大用張永詣閣言帝崩於豹房且
議所當立楊廷和舉祖訓示之曰兄終
弟及誰能瀆焉興獻王長子憲宗之孫
孝宗之從子大行皇帝之從弟序當立
梁儲等咸贊之乃入啓皇太后項之中
官傳遺詔及太后
旨一如廷和請

下江彬獄籍其家

彬知天下惡已。又見遺詔罷遣邊兵。及
威武團練諸營益內疑其黨。都督李琮
勸彬速反。不勝。則北走塞外。彬猶豫未
決。令許泰詣內閣探意。楊廷和慰以溫
言。而密與蔣冕毛紀及太監溫祥魏彬
張永合謀捕之。魏彬入白太后。會坤寧
宮安獸吻。令江彬入祭。祭畢。永畱彬飯
宮中。俄而逮旨下。與琮神周並下詔獄。
籍彬家黃金七十櫃。白金二千二百櫃。
他珍寶不可勝計。彬既敗。張忠與泰等
以次下獄。

卷五

夏四月迎興王厚燾至京師入卽位

帝之未至京師也廷和總朝政三十七日中外倚以爲安及草登極詔盡革正德中弊政郵錄言事諸臣中外大悅

六月江彬伏誅

與李琮祿周錢寧等俱棄市時京師久旱彬誅遂大雨

詔議崇奉興獻王典禮

禮部尚書毛澄等上議宜稱孝宗曰皇考興獻王曰皇叔父興獻王妃曰皇叔

母議上。帝大慍曰：「父母若是互易耶？」其再議觀政進士張璵疏言：「今陛下以倫序當立，循繼統之義，非爲孝宗後也。且迎養聖母，稱皇叔母，則當以君臣禮見。子可以臣母乎？長子不得爲人後，與獻王子，惟陛下一人利天下而爲人後，將母自絕其父母乎？故謂陛下入繼祖統，則可謂爲人後而自絕其親，則不可。今宜別立聖考廟於京師，以隆尊親之孝。且使母以子貴，尊與父同，則聖考不失其爲父，聖母不失其爲母矣。帝得璵疏大喜曰：「此論出吾父子獲全矣。」因諭楊廷和曰：「此議實遵祖訓，據古禮，爾曹何得誤朕？」廷和曰：「書生不知國體，禮爲人

後者爲之子所生者爲伯叔不啻降其
服且與其名也臣不敢阿順封還手敕
帝優諭閣臣早定大禮會母妃至通州
聞朝議考孝宗惠曰安得以我子爲他
人子止通順不入帝聞而泣啓慈壽太
后願避位歸藩羣臣惶懼毛澄乃請稱
興獻王爲興獻帝王妃蔣氏爲興獻后
從之并尊憲宗貴妃邵氏爲皇太后聰
知帝意嚮已著大禮或問以王且曰非
天子不議禮願奮獨斷揭父子大倫明
告中外章下禮部見者皆目爲邪說帝
手敕加興獻帝后以皇號廷和等上言
興獻加稱帝后較之前代已極尊崇若
加皇字與孝廟慈壽竝是忘所後而重

本生任私恩而棄大義臣等不得辭其責願罷歸尚書喬宇亦言正統大義惟賴皇字以明若加於本生之親則正統混而無別非所以重宗廟正名分也帝曰慈壽皇太后懿旨朕不敢違廷和等復偕禮臣執奏編修陳音給事中朱鳴陽御史陳昌等百有五人皆言稱皇非是請斥璵邪說俱不報元年正月以清寧宮後殿災閣臣因言興獻帝后加稱列聖神靈容有未安帝不得已乃稱孝宗曰皇考慈壽皇太后曰聖母興獻帝后止稱本生父母三年春尊興獻帝爲本生皇考恭穆獻皇帝興國太后爲本生聖母章聖皇太后

明史肇要卷五

明史肇要卷五

五

明史學要卷六

張景星二銘
雲間同錄

姚培謙平山

同學曹庭棟六圃參閱

世宗肅皇帝

諱厚懋憲宗次子興獻王子武宗從弟在位四十五年

壬午嘉靖元年春正月封王守仁爲新建伯

追錄平濠功也

毀佛像拆淫寺

大能仁寺妖僧齊瑞竹正德間謀領璽書金印賞資無算帝從工部侍郎趙璜言簿錄財貲及立明宮佛像毀刮金屑一千三十兩悉給商以償宿逋先是人有建議毀京師諸淫寺者竟寢不行事屬禮部郎中屠應埏一夕發檄徧京師悉從拆毀士論偉之

冬十月禁士習詭異

給事中章僑御史梁世鏐言三代而下道學至朱熹大明近有倡爲異學者以

陸九淵爲簡牘而以朱爲支離宜嚴禁
以正士習帝曰祖宗表章六經救崇正
學欲成正大光明之業近年士習詭異
文辭艱險有傷治化行督學禁諭焉

癸未二年夏四月以宋儒朱熹裔孫聖爲五
經博士

御史王完言熹本婺源人今建安已置
博士其子孫在婺源者宜如衢州孔廟
例官其嫡長一人以奉祀
從之及聖老遂令世襲

甲申三年夏六月以張璁桂萼爲翰林學士

方獻夫爲侍講學士

初與夢同爲南京主事兩人日夜竊詆
朝議夢上言陛下入繼大統非爲人後
當考禮獻帝母興國太后并錄侍郎席
書員外郎方獻夫疏草以聞下廷臣集
議禮臣汪俊請加皇字以備徽稱聰復
上言今日之禮不在皇與不皇而在考
與不考夢言陛下承祖宗大統執政乃
無故任己私爲不道使陛下終身爲無
父人逆倫悖義若此猶可與斯議哉疏
入帝大喜立召兩人會獻帝已改稱本
生皇考詔止弗來兩人意大沮喪乃復
合疏請與禮官面質且云本生對所後

而言者不亟去此二字則雖稱皇考實與皇叔無異疏入帝復召二人比至都衆洵欲倣先朝馬順故事斃之於廷萼懼不敢出璉越數日始朝恐有何者出東華門走匿武定侯郭勛家勛大喜約爲內助時給事中張璉等連章劾璉萼及獻夫書諸人章下所司璉彙送刑部尚書趙鑑卽列璉等罪狀上請私相語曰倘得俞旨便撲殺之帝廉知之特命璉萼爲學士獻夫爲侍講學士切責璉鑑學士豐熙修撰舒芬楊慎張衍慶編修王思等皆不願與璉萼同列乞罷歸帝怒俱奪俸璉萼以議禮驟貴於是聞罷失職武夫小吏皆望風希指抗論

廟謨

矣

秋七月詔稱獻皇帝爲皇考成學士豐熙
等於邊校員外郎馬理等於廷

時廷臣多主楊廷和議方攻張璁桂萼
方獻夫之非疏皆畱中少卿徐文華倡
言曰諸疏畱中必改稱孝宗爲伯考矣
吏部右侍郎何孟春曰憲宗朝議慈懿
太后葬禮姚夔率百官伏哭文華門此
我朝故事也楊慎曰國家養士百五十
年仗節死義正在今日遂會羣僚跪伏
左順門大呼高皇帝孝宗皇帝聲徹於

內帝命中官諭之退不從帝怒執熙等
八人下獄慎與王元正乃撼奉天門大
哭羣臣皆哭聲震闕廷帝震怒盡逮何
孟春等二百二十人爲首者戍邊四品
以上奪俸五品以下予杖杖死編修王
相等十有八人自是衣冠喪氣聰等勢
益張孝宗遂
改稱伯考

乙酉四年秋七月作世廟

光祿寺署丞何淵請祀皇考於太廟章
下廷議羣臣俱上疏爭張聰言孝子之
心無窮分則有限別立禰廟禮之得爲
者也臣昧死勸陛下爲之入太廟禮之

不得爲者也。臣昧死勸陛下弗爲。席書亦三疏勸止。帝遣中官諭書曰：朕紹膺大統，卽以皇考爲百世之室，何不可而卿乃怯衆飾奸耶？書知帝意不可回，遂請於皇城別立一廟，詔可。定名世廟，後更名獻皇帝廟。

帝奉章聖皇太后謁見世廟

世廟旣成，太后欲謁見。帝詢張璁、桂萼俱援廟見禮，言宜先見太廟。次謁世廟，費宏、楊一清等爭之，不得。石瑤復上疏極諫，言我朝家法，后妃入宮，未有無故復出者。太廟尊嚴，非時享祫祭，天子亦不輕入。何況后妃？璁輩所引廟見禮，今

奉先殿是也。且陰陽有定位，不可侵越。陛下爲天地百神之主，致母后無故入太廟，坤行乾事，陰侵陽位，不可之大者也。不聽。

丁亥六年夏五月，以羅欽順爲吏部尚書，辭。

欽順見張璁杜萼用事，屢召不起。家居杜門，潛心格致之學，所著有困記、卒諡文莊。

戊子七年夏六月，頒明倫大典於天下，削前

華蓋殿大學士楊廷和等籍。

初大禮集議成張璠請彙爲全書桂萼
請備書大臣進退百官遺謫志陛下之
明斷至是帝自製序文刊布天下追論
前議禮諸臣罪削廷和籍毛澄林俊蔣
昂王紀喬宇汪俊皆奪職
斥何孟春夏良勝爲民

秋九月兵部尚書王守仁平斷藤峽猺

自韓雍去兩廣斷藤峽猺尋復熾上連
八寨下通仙臺花相諸峒盤據三百餘
里郡縣罹害者數十年守仁旣平田州
兩江父老遞道言狀守仁乃潛約兵期
進破牛腸六寺等寨循橫石江而下賊
衆悉平初守仁赴廣西桂萼諷令乘機

取交趾守仁辭不應募大恚至是斥守仁征撫交失賞格不行

已丑八年春二月兵部尚書新建伯王守仁卒

守仁病篤乞骸骨不俟命竟歸行至南安卒喪過江西軍民無不縞素哭送者桂夢劾其擅離職守詔停世襲卹典俱不予隆慶初贈侯謚文成守仁浙江餘姚人字伯安號陽明山人天姿英異幼時謁上饒婁諒與講朱子格物大指正德初謫龍場驛丞窮荒無書日繹舊聞忽悟格物致知當返諸心不當求諸事

物喟然曰道在是矣其爲教導以致
良知爲主詆訾程朱故有僞學之榜

三月河南襄陽大饑

巡按湖廣御史張祿繪圖以獻帝召有
司賑賑廣東僉事林希元上言救荒有
二難曰得人難審戶難有三便曰極貧
便賑米次貧便賑錢稍貧便轉貸有六
急曰垂死急餽粥疾病急醫藥病起急
湯米既死急募瘞遺棄孩穉急收養輕
重繫囚急寬恤有三權曰借官錢以糶
糶興工作以助賑貸牛種以通變有六
禁曰禁侵漁禁攘盜禁遏糶禁抑價禁
宰牛禁度僧有三戒曰戒遲緩戒拘文

戒遣使因輯爲書
以上詔有司舉行

秋八月張璠桂萼罷九月召璠還楊一清

璠萼與楊一清積不相能給事中孫應奎疏論一清及璠萼優劣其同官王準陸聚復相繼劾璠萼引用私人日圖報復威權既盛黨與復多不亟去之將爲社稷患帝感悟立罷璠萼霍韜攘臂言曰張桂行勢且及我乃疏詆一清力爲璠萼辯雪謂聚之劾實一清嫉之臣與璠萼俱以議禮進璠萼去臣不得獨留

帝卽召聰還貶準典史蔡驛丞韜再疏
詆一清帝令法司會廷臣雜議刑部尚
書許讚請削一清籍聰故三上密疏引
一清贊體功乞寬假實以堅帝意俾速
去帝果令

一清致仕

冬十二月詔革天下鎮守內臣

庚寅九年春二月皇后親蠶於北郊

帝從給事中夏言請作先蠶壇於北郊
皇后行親蠶禮明年以北郊出入未便
命於西苑行之

夏六月移祀姚廣孝大興隆寺

禮官李時與張璁桂萼議廣孝雖有惟
幄功既荷崇秩以償其勞矣復削髮披
緇配享太廟似所未安宜移祀從之

秋九月前華蓋殿大學士楊一清卒

一清故與太監張永善至是永家奴訐
永曾盜軍命及殿永弟容多以饋一清
求作墓誌詔法司推問張璁從中主之
坐一清受賄奪職一清大恨曰老矣乃
爲孺子所賣疽發背死久之復其官諡
文襄

書旁年一之古十疏悉中機宜晚爲摠
書所風不復以恩禮終士論甚惜之

冬十月更定孔廟祀典尊孔子曰至聖先

師

帝以孔廟簋豆十二牲用饋儀同祀天
非正禮其論號章服悉宜改正張璪言
孔子宜稱至聖先師不稱王祠宇宜稱
廟不稱殿祀宜用木主簋豆十樂用六
佾配位公侯伯之號宜
去止稱先賢先儒從之

卯辛
十年夏閏六月前少傅武英殿大學士

謝遷卒

遷學術純正秉節直亮與劉健李東陽同輔孝宗稱賢相時人爲之語曰李公諫劉公斷謝公尤侃侃卒諡文正

秋八月無逸殿幽風亭成

九月帝御幽風亭召大學士翟璠等諭曰茲當秋成之期與卿等同觀收穫農之勞苦見於紙上不如親見之爲真我聖祖訓曰衣帛當思織婦之勞食粟當念農夫之苦以此觀之果爲粒粒皆辛苦也

王辰十一年秋九月彗星見東井

科臣柴洪劾汪鉉奸暴帝怒命奪洪俸
魏良弼秦鰲劾張孚敬權奸帝令孚敬
自陳准致仕編修楊名士言鉉小人之
尤郭勛奸回之首而陛下用之是偏於
喜也建言諸臣譴罰已久未蒙收錄是
偏於怒也且工作屢興財力並竭又崇
信真人邵元節不稽之言設醮內府命
左右大臣奔走供事此皆聖心之偏蔽
帝怒下獄戍邊○孚敬
卽璉也以音同御諱改

冬十月直隸巡按馮恩上疏請斬三奸

恩疏言張孚敬之奸久露汪鉉方獻夫之奸不測陛下去孚敬而不去此二人天下事未可知也臣謂孚敬根本之彗也鉉腹心之彗也獻夫門庭之彗也乞斬三奸以應更新之象帝怒逮繫卽訊鉉恨恩甚欲卽殺之孚敬曰殺之遂成孺子之名始縱之遂得長繫及朝審鉉以太宰東向坐恩故向闕跪鉉令拽之西向乃僵立曰汝能殺我乎死且爲厲鬼殺汝鉉曰而自謂氣節乎獄中受諸餽遺何節也恩曰患難相恤義固當爾且獄中死囚豈有官爵罵人而婪其貨乎汝受某金擢都憲某玉瑤起廢罪可擢髮數耶鉉起欲以手批之爲同僚所

卷之六

十

格遂書曰情真應決王那相曰不可我
朝一百六十二年不殺言官吾儕豈可
作俑帝微聞之是歲遂免行刑其母吳
氏擊登聞鼓聲冤子行可於長安街刺
血書疏自縛闕下通政陳經爲引奏帝
動容曰忠孝乃出一家耶其貴之遂得
減死戊戌
雷州

丙申十五年冬閏十二月以道士邵元節爲
禮部尚書

元節龍虎山道士也嘉靖三年召入京
大加寵信封真人班二品至是以皇儲

生嘉其禱祀
功拜尚書

戊戌十七年夏六月詔議明堂大饗禮下戶

部侍郎唐胄於獄

初獻皇帝廟止修時祀至是前揚州府同知豐坊請建明堂尊獻皇帝廟號爲宗以配上帝嚴嵩言傳稱萬物成形於秋故秋祀明堂以父配主親親也至宋儒論則主祖宗之功德今以功德則宜配文皇以親則宜配獻皇且未有稱宗而不耐太廟者帝示大學士夏言言不敢議帝曰皇考稱宗豈爲過情嵩於是

明倫彙編

十一

曲順帝旨以爲嚴父配天允合周道胄
爭之曰三代之禮莫備於周郊祀后稷
以配天宗祀文王於明堂以配帝至成
王之世未聞嚴父配天之祭移於武王
也臣謂明堂宜奉太宗配若獻皇帝得
聖人爲了不待稱宗議配而專廟之享
百世不遷矣疏入帝大怒下詔獄黜爲
民坊卽豐熙子冀以片言取通顯待命
久之無所進擢歸家
悒悒以死人咸惡之

秋九月尊獻皇帝廟號睿宗祔於太廟

嚴嵩復言古者父子異昭穆兄弟同世
次故殷有四君一世而同廟宋太祖太

宗同居昭前事可據睿宗孝宗當同一
廟奏上羣臣無敢異議遂奉獻皇帝祔
太廟廟號睿宗復配
享上帝於元極殿

己亥十八年秋八月下太僕卿楊最於獄死

帝諭輔臣曰朕欲命東宮攝國靜攝一
二年最疏云聖諭至此不過信方士調
攝耳黃白之術金丹之藥皆可斷元氣
而端拱恭默不邇聲色保復元陽仙壽
不期自至帝怒
逮訊死獄中

庚子十九年秋八月劉天和敗吉囊於黑水

苑斬其子小十王

明史紀事本末卷六

吉囊連年入寇邊將禦之屢被殺傷是年七月寇萬全衛總兵自爵擊走之至是復入固原諸將多畏縮天和斬指揮二人遣總兵周尚文大破敵於黑水苑斬吉囊子小十王寇遁走寧夏巡撫楊守禮總兵任傑等復邀擊於鐵柱泉敗之進天和南京戶部尚書以守禮總督軍務

丑辛

二十年春二月下監察御史楊爵於獄

時帝經年不視朝日事齋醮工作煩興歲頻旱元日微雪夏言嚴嵩作頌稱賀

爵撫膺太息王疏言今天下大勢如人
衰病已極腹心百體無不受患猶且奔
競成風賄賂公行遇災不憂非瑞稱賀
邪佞日親諂臣日遠此大憂也歷陳諸
弊詞俱切直帝震怒立下詔獄撈掠血
肉狼籍死一夕復甦主事周天佐御史
浦鉉疏救先後死獄
中自是無敢言者

壬寅二十一年秋七月大學士夏言罷以嚴
嵩代之

嵩無他才略惟一意媚上竊權罔利帝
英察自任累刑戮頗護已短嵩以故得

因事激帝怒戕害人以成其私遂斥者不可勝計

宮婢楊金英謀逆伏誅殺端妃曹氏

帝幸曹妃宮金英等何帝熟寢以組綰帝項未絕有張金蓮者走告后后馳救得甦后命內監張佐等捕宮人維治知王寧嬪實首謀又言端妃亦與知時帝疾懔不能言后傳旨收端妃寧嬪及金英等悉磔於市久之帝始知妃冤

乙巳二十四年冬十月召夏言復入閣

帝微覺嚴嵩貪橫復召用言言至直陵嵩出其上凡所批答略不顧嵩嵩銜刺

骨而言以廢棄久務張權所譴逐亦不盡當御史陳其學以鹽法事劾崔元及錦衣都督陸炳言擬旨令陳狀皆造言請死炳長跪乃得解二人與嵩比而搆言言不悟

丙午二十五年冬十一月三邊總制曾銑請復河套

銑請破常格發帑銀以築邊牆不過數十年計而復河套則萬年久遠計部議不決帝曰逐虜復套之議甚壯本部送無定見何也令銑與邊臣悉議以聞

戊申二十七年春正月大學士夏言罷

帝數使內豎詣言所言負氣岸奴視之
及詣嚴嵩嵩必延坐親納金錢袖中以
故日譽嵩而毀言言故慷慨以經濟自
許會曾銑議復河套力主之銑鳩兵繕
塞輒破敵帝令言擬旨優獎之銑益銳
志出師帝忽降旨詰責詞甚厲嵩力言
河套不可復語侵言言大懼謝罪且云
嵩初未嘗異議今胡乃盡委於臣帝已
入嵩語怒不可
解令言致仕

三月殺總督侍郎曾銑

兵部侍郎萬鎮等劾銑罔上貪功擅開
邊釁逮下獄出兵部尚書王以旂代之
初仇鸞鎮甘肅以貪黷爲銑所劾遂逮
繫嚴嵩雅親鸞至是代鸞草奏誣夏言
納銑金法司坐銑交結近侍律斬西市
妻子流二千里茲逮言下吏出鸞於獄

冬十月殺前華蓋殿大學士夏言

言抵通州聞曾銑所坐大驚墮車曰噫
吾死矣王疏訟冤言仇鸞方在繫嚴嵩
與崔元輩譁爲鸞疏以傾臣嵩靜言庸
違似共工謙恭下士似王莽奸巧弄權
父子專政似司馬懿臣生死係嵩掌握
惟聖慈曲賜保全帝不省獄成論死法

明倫彙編

三

司援議貴議能條以上亦不從會俺答寇居庸尚謂言等收河套故報復至此遂殺言妻蘇氏流廣西隆慶初詔復言官諡文愍

配二十八年春二月俺答寇宣府大同總

兵周尚文擊敗之

敵犯宣府滴水崖把總江瀚指揮董賜戰死全軍覆遂犯永寧尚文力戰敗之斬其魁尚文清約愛士善用間知敵中曲折故戰輒有功未幾卒嚴嵩格卹典不予給事沈束以爲言嵩激帝怒錮之詔獄

秋七月倭寇浙東

舊制浙江設市舶提舉司海舶至則平其直制馭之權在官及嘉靖初廢提舉不設濱海奸人遂操其利或闌出中國財物與番互市初猶商主之及嚴通番禁遂移之貴官勢家頗抑勒其直倭大怨恨時糾黨入掠巡撫朱統急捕賊通倭者不俟命輒斬又數上疏顯言大姓奸狀以故浙閩人皆惡之御史陳九德劾統擅殺統仰藥死亂益甚時海上承平日久人不知兵聞倭至竄走一空自是終嘉靖世無寧日

庚戌二十九年秋八月俺答犯京師

是年夏俺答犯大同總兵張達林椿戰死敵引去傳箭諸部大舉至是循潮河川南下至古北口別遣精騎自間道潰牆入長驅至通州營白河東分兵四掠時王忬以僉都御史守通州夜縋使走京師請援京師始震急集諸營兵賊守僅老弱四五萬人索武庫甲仗庫奄勒賄不時發久之不能軍帝大驚遣都御史王儀以三千騎援通州又命都御史商大節募民間材勇合四萬餘分置陣間時寇已薄都城矣大同總兵仇鸞巡撫保定都御史楊守謙各率兵至詔以

鸞爲大將軍節制諸路兵馬守謙爲兵部侍郎提督軍務制下犒師牛酒諸費皆不知所出戶部文移往復越二三日軍士始得數餅餌帝趨戰甚急兵部尚書丁汝夔以咨嚴嵩嵩曰塞上敗可掩輦下敗不可掩寇飽自颺去耳鸞等皆不敢戰寇焚掠三日始引去將出白羊口鸞尾之寇猝東返鸞兵潰死傷千餘人寇乃整輜重徐由台北口出塞諸將收斬遺屍得八十餘級以捷聞帝優詔慰鸞加太保賜金幣汝夔守謙棄市儀前籍

謫中允趙貞吉爲荔波典史

方俺答薄都城以謾書求貢詔百官集議貞吉抗言不可許且請錄周尚文功以勵邊帥出沈束於獄以開言路遣官諭諸將力戰退敵帝聞而壯之立擢左諭德兼監察御史令齎金五萬犒軍嚴嵩心惡之會撰敕不令督戰以輕其權且不予一卒護行時寇騎充斥貞吉馳入諸將營散金犒士明日卽復命帝怒謂貞吉漫無區畫徙爲尚文東遊說下獄廷杖謫荔波典史

冬十月以仇鸞總督京營戎政

兵部侍郎王邦瑞上言國初京營勁旅不減七八十萬自三大營變爲十二團

營又變爲兩官廳雖寢不如初然額軍常三十八萬有奇今武備積弛見籍止十四萬而操練者不過五六萬比寇騎深入戰守俱困此其弊不在逃亡而在占役不在軍士而在將領蓋提督以下諸官多世胄統袴平時占役營軍以空名支餉臨操則集市人呼舞博笑而已乞遣官精核帝是其言於是悉罷團營兩官廳復三大營舊制設戎政府以仇鸞統之鸞方貴幸請選各邊兵更番入衛分隸京營塞上有警主將不得徵集由是邊事益壞

辛亥三十年春正月戊錦衣衛經歷沈鍊於

邊

初廷議俺答求貢事毛起請姑許之邀
令出塞而後拒之時鍊在衆中大言起
失策吏部尚書夏邦謨自之曰此何小
吏而言若是鍊曰大臣噤弗言故小吏
言之奚怪也已而上疏請以萬騎護陵
寢萬騎護通州軍儲谷勤王師十餘萬
擊其情歸可大得志帝不省至是劾嚴
嵩父子奸貪十大罪及邦謨諂狀請
均斥罷帝怒撈之
數十謫佃保安

三月開馬市於大同宣府

仇鸞畏寇甚密遣人結俺答義子脫脫使貢馬互市俺答利貨幣投驛書於宣大總督蘇祐祐以聞鸞與嚴嵩贊成之兵部車駕司員外郎楊繼盛上言互市者和親別名也俺答蹂躪我陵寢虔劉我赤子不能報而反與市失威重長寇仇甚矣今說者曰吾外假馬市羈縻之而內得自修武備夫海內豪傑爭磨礪待試不及時激發其氣而和以自弛將愈隳豪傑効用之心何備之能修俺答往歲深入乘我無備故也備之一歲以互市終彼謂國有人乎互市旣開彼或負約不至至矣或謀伏兵突入或以下馬索上值將何以拒之歲帛數十萬得

馬數萬匹。十年以後，帛將不繼，且彼安肯予我善馬？我歲索數十萬，而無所償。於虜，一不如意，彼且敗盟。凡此釁端，百出，其害易見。蓋有為陛下主其事者，故廷臣莫敢言。惟陛下獨斷，疏入，立下詔獄，貶狄道典史。

壬子三十一年春二月詔罷大同馬市

俺答以羸馬索厚值，弗予，輒大譁。大同市則寇宣府，宣府市則寇大同，甚者朝市暮寇，併羸馬掠去。帝惡之，詔罷馬市。

三月以徐階為東閣大學士

初階由夏言薦嚴嵩忌之階恐被中傷乃精治齋詞迎帝意左右亦多爲地者遂入閣

秋七月以王忬巡撫浙江備倭

自朱純死浙江不設巡撫海禁益弛奸民汪直徐海陳東麻葉輩悉逸海島爲主謀倭患日劇廷議復設巡撫以忬任之然賊已蔓延明年春大舉入寇浙東西江南北濱海數千里同時告警破昌國衛陷上海城流劫乍浦金山太倉崇明常熟嘉定又明年掠蘇州松江薄通泰陷嘉善崇明縱橫往來忬不能禦乃

移怙巡撫大同

仇鸞死詔戮其屍

馬市既開諸邊日苦侵暴帝命鸞逐寇大同鸞不得已出鎮川堡遇伏敗還至是病疽猶戀大將軍印不肯上徐階密疏發鸞罪兵部尚書趙錦亦言強寇壓境而鸞病不能軍萬一寇衆長驅貽憂君父不小帝命罷鸞以侍郎蔣應奎暫掌戎政鸞大恚恨疽益劇遂死始鸞與嵩約爲父子已而相惡嵩密疏毀鸞鸞亦陳嵩及子世蕃貪橫狀嵩因結錦衣都督陸炳共圖鸞鸞旣死炳盡發其通

虜納賄狀帝大怒下詔暴
鸞罪追戮之傳首九邊

癸丑三十一年秋七月俺答大舉入寇

初叛人趙全邱富等以罪亡入虜招集
亡命居豐州築城自衛構宮殿墾水田
號曰板升板升華言屋也全等數誘虜
入寇教以製鉤杆攻城堡之法俺答信
用之至是復大舉深入下渾源靈邱廣
昌急攻插箭浮圖等峪遊擊陳鳳力戰
却之虜分兵東犯蔚西掠代繁時駐鄜
延二十日屠掠延慶諸城幾遍會久雨
乃去未幾復以萬騎寇大同總兵李淶
戰死全軍皆沒明年復犯宣大攻薊鎮

日知錄卷之

三

墻百道竝進警報日數十至京師戒嚴勦遼總督楊博悉力禦之乃遁

乙卯三十四年春二月遣趙文華督視海防

文華諱事嚴嵩結爲父子自通政使進工部侍郎東南倭患棘文華請遣大臣祭東海帝即命文華往兼督察軍情文華恃寵恣睢百司震懼公私賄賂填集江南爲之困敝又牽制兵機顛倒功罪雖徵兵半天下而倭勢愈熾

夏五月命張經總督江南浙江軍務討倭

倭寇自柘林犯嘉興經分遣將水陸攻之共擒斬一千八百餘人溺死者復不

可勝計餘賊
奔歸柘林

冬十一月殺總督尚書張經

初趙文華屢趨經進兵經恐泄師期不以告文華怒劾經養寇失機疏方士經大破倭於王江涇文華攘其功謂已與巡按胡宗憲督師所致嚴嵩復從中構之遂逮經下獄經疏言臣任總督半載前後俘斬五千乞賜原宥不納至是斬西市天下冤之

殺兵部員外郎楊繼盛

明倫彙編 家範典 卷六 世宗嘉靖

三

帝旣罷馬市乃思繼盛言自典史四遷復爲員外郎繼盛甫抵任卽上疏劾嚴嵩略曰祖宗罷丞相設閣臣備顧問視制草而已嵩儼然以丞相自居竊弄威柄黜陟由已百官奔走請命直房如市令其子世蕃代票擬京師有大丞相小丞相之謠嚴劾忠嚴鵠乳臭子耳未嘗一涉行伍皆冒軍功官錦衣以故兩廣將帥躡掌府部逆鸞下獄賄世蕃三千金嵩卽薦爲大將北虜深入戒丁汝璉弗戰生靈塗炭畿輔爲墟郎中徐學詩給事中厲汝進等一與抵牾立加斥謫文武遷擢苞苴肆行將弁惟賄嵩不得賤削士卒有司惟賄嵩不得不掊克

百姓守法度者爲迂拙工附離者爲才能風俗澆訛廉耻漸滅嵩罪如此而其奸又足以濟之厚賄左右得備聞宮中言動用趙文華掌通政使疏至必先閱副封畏厥衛緝訪卽與結姻懼言官彈劾非私人不得預臺諫部寺中有才望者悉羅致門下內外聯絡根柢蟠互諸臣忍負國不敢忤嵩惟陛下察其姦邪或召問裕景二王或詢諸閣臣重則置憲輕則罷免內賊旣去外賊不戰而自戢矣疏入嵩摘名問二王語密構於帝下繼盛詔獄備極慘酷論死繫三載會張經李天寵坐大辟嵩揣帝意必殺二人因附繼盛名竝奏繼盛妻張氏上書

請代夫死詞極哀痛高并不上遂斬西市臨刑賦詩曰浩氣還太虛丹心照千古生平未報恩畱作忠魂補天下弟泣傳誦之穆宗卽位諡忠愍

丙辰三十五年春三月以趙文華爲工部尚書

前年秋倭衆六千餘人自杭州西剽嚴徽寧國太平直犯南京出秣陵關劫溧陽宜興抵無錫趨潁墅關轉鬪數千里殺傷幾四千人歷八十餘日始爲官軍所殲應天巡撫曹邦輔以捷聞文華忌其功大集浙直兵與胡宗憲親將之搗

倭於松江之陶宅進營，輒橋倭悉銳來衝，大敗。文華氣奪，乃定計招撫，以寇息請還。許之比還朝。倭警日至，帝數詰嚴嵩。嵩曲爲解，帝意終不釋。會吏部尚書李默發策，試選人中言漢武征四夷而海內虛耗。唐宗攻淮蔡而晚業不終。文華劾其誹謗，默坐死。帝以是謂文華忠，進尚書。

夏四月復遣趙文華視師江南

先是文華既歸，帝疑其言不實，每以問嚴嵩。文華大懼。時浙中倭報甚繁，巡按請遣才望大臣一員督師應援，部已議。沈良材而嵩爲文華保全計，言於帝，遂

留良材而遣文華文華至而東南之民
愈困矣既而胡宗憲以計平賊首徐海
俘其黨陳東蘇莫文華以
大捷聞帝喜加文華少保

丁巳三十六年秋八月趙文華有罪免

帝急欲建正朝門樓文華猝不能辦帝
不懌且聞其視師江南贖貨要功狀思
逐之嚴嵩言文華因蜀暑南征疾尚未
愈隨令上章稱疾帝手批令回籍休養
制下舉朝稱賀其子錦衣千戶懌思以
齋祀停封章日請假送父帝怒黜文華
爲民戍懌
思邊衛

殺前錦衣衛經歷沈鍊

鍊旣至保安未有館舍賈人某詢知其得罪故空家舍授之里長老亦日致薪米遣子弟就學鍊語以忠義大節皆大喜塞外人素褻直又稔知嚴嵩惡爭詈嵩以快鍊且縛草爲人像李林甫秦檜及嵩醉則聚子弟攢射之或蹕騎居庸關口南向戟手詈嵩痛哭而歸語稍稍聞京師嵩大恨路楷巡按宣府世蕃屬與總督楊順合圖之兩人日夜謀中鍊會蔚州獲妖人閻浩詞所連甚衆順喜謂楷曰是足以報嚴公子矣竄鍊名其中上之遂斬宣府市籍其家戍子襄極

明史紀事本末

五

邊子順一子錦衣千戶楷待銓五品順
日嚴公薄我賞意豈未愜耶并取鍊子
襄褒杖殺之

冬十月胡宗憲誘降海盜汪直誅之

直糾漳廣羣盜大舉入寇自台寧嘉湖
至蘇松迄淮北濱海數千里同時告警
至是宗憲誘直等投降許為奏請優以
官爵直與宗憲羅龍文皆徽人相信直
因以銀十萬兩托龍文餽嚴嵩父子冀
得授以指揮職銜帝謂直元寇不可赦
乃收斬之其黨復據岑港堅守逾年徐
移之柯梅宗憲利其去不追賊遂揚帆

而南流
劫閩廣

己未三十八年春二月殺巡撫都御史王忬

先是嚴嵩殺楊繼盛忬子世貞念繼盛忠言死於權奸以詩弔之刑部員外忬叔祺告嵩因憾世貞又嚴世蕃嘗索台畫於忬云值千金忬以臨幅獻有精於辦畫者往來世貞家有所求爲世貞斥之其人知畫非真幅密語世蕃會大同有虜警御史方輅王漸交章劾忬世蕃遂告嵩票本忬官久志怠調庀失宜致賊深入下獄論死

明倫彙編

通

庚申三十九年春正月以鄆懋卿總理鹽政

舊制無一人總理四運司者至是懋卿以嚴嵩力總理兩浙兩淮長蘆河東鹽政驟增鹽課四十餘萬所至市權納賄勢焰薰灼其按部常與妻偕行製五綵輿今十二女子昇之道路傾駭淳安知縣海瑞供帳簡抗言貧邑不能容軒車慈谿知縣霍與瑕亦清鯁不屈懋卿喉巡鹽御史袁淳劾之俱削籍及嵩敗懋卿以賊戍邊

辛酉四十年冬十一月以袁煒為武英殿大

學士

先是二月日食煒言不當救護禮部尚書吳山不從譴去以煒代山七月又日食欽天監言食止一分五秒例免救護煒乃阿帝意上言陛下以父事天以兄事日是以太陽晶明氛祲銷爍食止一分與不食等未幾遂入閣煒本以青詞進與李春芳巖訥郭機竝號青詞宰相

壬戌四十一年夏五月嚴嵩以罪免其子世蕃下獄

帝居西苑大臣希得進見惟嵩獨承顧問御札一日或數下雖同列不獲聞以故嵩得逞志遍引私人居要地帝亦浸厭之而漸親徐階會階所厚吳時來張紳輩傳策各疏論嵩帝雖絀言者然心不能無動初帝所下手詔語多不可曉惟世蕃一覽了然答語無不中及嵩妻歐陽氏死世蕃居喪不得入直所代票提嵩每遣人持問世蕃值其方縱淫樂不以時答嵩自爲之往往失指所進青詞又多假他人手不能工以此積失帝歡會萬壽宮災嵩請徙南城離宮南城英宗爲太上皇時所居也帝不悅而階營出壽宮甚稱旨帝眷益移未幾入方

上藍道行言欲逐嵩御史鄒應龍避雨
內侍家偵知之因抗疏極論嵩父子不
法遂罷嵩下世蕃及其客羅龍文於獄
擢應龍通政司參議侍郎魏謙吉等數
十人皆坐姦黨黜謫有差嵩
歸後六年寄食墓舍以死

癸亥四十二年夏四月副總兵戚繼光與總
兵劉顯俞大猷大破倭賊於平海衛

倭巢閩中破城十餘掠子女財物殺傷
官吏軍民不可勝紀繼光督浙兵至賊
與顯及大猷對壘日久頗懈弛謂繼光
遠來疲困不爲備繼光卽以是夜部勒

諸士卒雞鳴蓐食晨壓賊壘急攻之賊倉卒大亂自相蹂踐遂薙捕之無遺類

此舉爲閩中

戰功第

乙丑四十四年春三月嚴世蕃伏誅

世蕃論戍雷州未至而返益大治園亭乘軒衣蟒勢焰不少衰袁州推官郭諫臣與巡按御史林潤謀盡發其罪且及冤殺楊繼盛沈鍊狀世蕃喜謂其黨曰無恐獄且解刑部尚書黃光昇等以獄詞白徐階階曰諸公欲生之乎夫楊沈之獄嵩皆巧取上旨今顯及之是彰上過也必如是諸君且不測嚴公子騎款

段出都門矣。爲手削其草。獨按羅龍文。與汪直交通。賄世蕃求官。世蕃用日者言。南昌倉地有王氣。取以治第。制擬王者。又結宗人典橫陰伺。非常多聚亡命。南通倭北通虜。其相響應。卽日令光昇等疾書奏之。世蕃聞。託曰死矣。遂棄市。籍其家。珍異充斥。踰於天府。

丙寅四十五年春二月下戶部主事海瑞獄

瑞上言。陛下卽位初年。敬一箴心。冠履分。辨天下欣然望治。未久而妄念牽之。謬謂長生可得。一意修元。二十餘年。不視朝政。法紀弛矣。數行捐納。名器濫矣。

二王不相見人以爲薄於父子以猜嫌
誹謗戮辱臣下人以爲薄於君臣樂西
苑而不返人以爲薄於夫婦吏貪官橫
民不聊生水旱無時盜賊滋熾陛下試
思今日天下爲何如乎自古聖賢垂訓
未聞有所謂長生之說陛下師事陶仲
文仲文則旣死矣彼不長生而陛下何
獨求之誠一旦翻然悔悟日御正朝與
諸臣講求天下利病洗數十年之積誤
使諸臣亦得自洗數十年阿君之耻天
下何憂不治萬事何憂不理此在陛下
一振作間而已帝得疏大怒抵之地顧
左右趣執之無使遁宦官黃錦在側曰
聞此人生疏時市一棺諛妻子待罪於

朝重僕亦奔散無留者是不遁也帝默然少頃復取讀之爲感動太息畱中數月會帝有煩悶疾逮繫論死穆宗嗣位乃釋之

冬十月帝有疾

以服方士王金等所獻丹藥故也

十二月帝崩裕王載堉卽位

穆宗莊皇帝諱載堉世宗子在位六年

卯隆慶元年春正月以高拱陳以勤爲文

淵閣大學士張居正為東閣大學士

其以勤居正俱侍祿邸講讀至是並參大政

下方士王金等獄論死三月給事中王治

請議廟典不報

禮部尚書高儀上言先帝肇祀明堂奉
睿宗配享今睿宗已為皇祖若仍配享
上帝似非周人宗祀文王之義請罷大
享禮從之未幾治上言獻皇帝雖貴為
天子父實未嘗南面臨天下雖為武宗
叔然嘗北面事武宗乃遂列於諸帝而

位武宗之右未
合典禮不報

夏五月高拱罷

初徐階薦拱及拱驟貴負氣頗忤階世
宗疾亟拱方直西苑遽移其出爲給事
中胡應嘉所劾拱疑出階指大憾之及
帝卽位階爲首輔拱自以舊臣數與抗
郭樸復助之因事削應嘉籍給事中歐
陽一敬等劾拱以私怨逐諫臣拱疏辯
階擬旨慰畱而不甚譴言者拱益怒相
與忿詆閣中於是言官論拱無虛日拱
不自安乞罷歸

戊辰二年秋七月徐階罷

帝卽位以來階所持諍多宮禁事行者十八九中官多側目給事中張齊前奉命犒軍宣大受贖商金因疏請恤邊商革餘鹽爲階所格至是上疏攻階階引疾求退

許之

己巳三年夏五月召高拱復入閣

拱再相盡反徐階所爲凡先朝得罪諸臣以遺詔錄用贈卹者一切報罷且言明倫大典頒示已久今褒顯議禮諸臣陛下歲時入廟何以對越二聖帝然之

六月以海瑞爲右僉都巡撫應天等處冬

十一月尚寶司丞鄭履淳陳時政下獄

略云時方多故百姓怨咨物怪人妖天鳴地震彗星兩見於女尾日月繼食於元春正微臣痛哭流涕之秋皇上臥薪嘗膽之日也諒陰已三期矣曾名一大臣質一講官納一諫士乎權在私門牢不可破台輔具員九卿拱手元良慍悔於孤立百職駢首而奔命前車不遠怨豈在明疏入命廷杖下詔獄

十二月命廠衛刺部院事

帝以災異頻仍由部院政事不平所致
令廠衛密訪以聞於是尚書毛愷侍郎
葛士和等皆自劾求去帝慰畱給事中
舒化等上言祖宗設廠衛令捕盜詰奸
非以察百官也制馭百官乃天子之權
而奏核諸司責在臺諫今陛下委之廠
衛必託之番校此輩貪殘恐開
羅織之門不可不慎帝報聞

庚午
四年春正月陳以勤罷

以勤入閣徐階爲首輔而高拱方嚮用
朝士各有所附交相攻以勤中立無所
比及拱再入與趙貞吉相軋張居正復
中搆之以勤與拱舊僚貞吉其鄉人而

居正則所舉士也。度不能解引疾乞休去。卒諡文端。

冬十二月封俺答爲順義王

俺答孫把漢那吉內附。詔授指揮使。尋遣歸。把漢那吉既歸。俺答遣使報謝。誓不犯大同。王崇古上言。朝廷許俺答封貢。諸邊有數年之安。可乘時修備。設敵背盟。吾以數年蓄養之力。從事戰守。愈於終歲奔命。自救不暇者矣。復條封貢八事。以請從之。遂封俺答順義王。昆都力辛愛等皆授官。有差。封把漢昭勇將軍。指揮如故。萬厯初。名俺答所居城曰歸化。

辛未五年夏五月李春芳罷

始徐階罷春芳歎曰徐公尚爾我安能
久容旦夕乞身耳張居正曰如此庶保
令名春芳愕然三疏乞休不允及高拱
再入直春芳不能與爭自飭而已會拱
逐去趙貞吉勢益張修階故怨春芳常
從容爲階解拱益不悅言官希拱意疏
詆春芳
乃罷歸

壬午六年春閏二月帝有疾夏五月帝崩六

月太子翊鉞卽位

時年十歲


罷中極殿大學士高拱

始拱與張居正友善。既而內難。猜防日甚。穆宗崩。太監馮保矯遺詔。掌司禮監。帝登極。保升立御座旁。不下。舉朝大駭。拱以主上幼冲。懲中官專政。疏請誅司禮權。又屬言官合疏攻保。而已從中擬旨逐之。使人報居正。居正陽諾之。私以語保。保密奏拱擅權。不可容。明日召羣臣入宣詔。數拱罪。罷之。居正遂爲首輔。


明史學要卷六

明倫彙編
家範典
卷二

三







通鑑臨手要

DS

735

A2Y36

1761

v.19-

20